

SCRIPT OF EVENING GOJRI NEWS BULLETIN 30JAN 2025 1700HRS

اوننگ گوجری نیوز بولٹن 30 جنوری 2025

یوہ آکاشوانی جموں ہے عبیدلرحمان تے نصرت چودھری تیں خبر سُنو۔

HEADLINES

- ۱۔ مرکزی سرکار نے پارلیمنٹ غا بجٹ اجلاس تیں پہلاں تمام پارٹی میٹنگ گو انعقاد کیو ہے۔
- ۲۔ وقف ترمیمی بل غا معائنہ کاطر تشکیل دتی گئی کمیٹی نے اج اپنی رپوٹ لوک سبھا سپیکر اوم برلا نانہ جمع کرائی ہے۔
- ۳۔ اج قوم مہاتما گاندھی نانہ اُن گا ۷۷ وُن برسی گا موقع ور کراج عقیدت پیش کر رہی ہے۔
- ۴۔ وزیر اعلیٰ عمر عبداللہ نے ممبئی مانہ ہوئی ایم۔آئی۔سی۔ای تقریب غے دوران کئی اہم شخصیات نال میٹنگ کی۔
- ۵۔ صحت تے تعلیم غی وزیر سکینہ اٹو نے اج ایک اعلیٰ سطحی میٹنگ غے دوران یو ٹی غیاندر ۰۰۱ دن غی کی بی مُکت مہیم غی عمل آوری غو جائیزو لیو۔

ALL PARTY MEET

سرکار نے اج پارلیمنٹ غا بجٹ اجلاس تیں پہلاں تمام سیاسی پارٹیاں گی میٹنگ منعقد کی۔ بجٹ اجلاس گی شروعات کل سدر جمہوریہ غا خطاب تیں بعد وے غی۔ مرکزی بجٹ ۱ فروری نانہ پیش کیو جے غو۔ اس بجٹ اجلاس غو پہلو مرحلو ۳۱ فروری تک جاری رے غو جدکہ اس اجلاس غا دوجا مرحلہ غی شروعات ۰۱ مارچ نانہ وے غی جہیرو جے ۴ اپریل تک چلے غو۔ اس روایتی میٹنگ غی سدارت وزیر دفاع راج ناتھ سنگھ کر رہیا ہیں جس دوران سیاسی پارٹیاں گا منشور تے آئندہ بجٹ اجلاس مانہ پیش کیا جان آلا معاملات ور تبادلہ خیال کیو گیو۔ اس میٹنگ مانہ کئی بڑا لیڈر موجود تھا۔ جن مانہ بی جے پی صدر تے مرکزی وزیر جے پی نڈا کانگریس پارٹی گا گورو گوگی تے جے رام رامیش، ڈی۔ ایم۔ کے پارٹی گا ٹی۔ آر۔ بالو تے ٹی۔ ایم۔ سی غا کئی دوجا لیڈر موجود رہیا اس تیں علاوہ پارلیمانی امور غا وزیر کیرن ریجیجو نے وی اس تمام پارٹی میٹنگ مانہ شرکت کی۔

JPC WAQF BILL

وقف ترمیمی بل غی جانچ کرن آلی پارلیمنٹ غی مشترکہ کمیٹی نے اج لوک سبھا سپیکر اوم برلا نانہ اپنی رپوٹ پیش کی۔ پینل گا چیئر پرسن جگدمبیکا پال نے اوم برلا تیں پارلیمنٹ مانہ ملاقات کی تے رپوٹ دتی۔ پینل نے گزشتہ روز اکثریت ووٹ سنگ رپوٹ منظور کی تھی، جس مانہ بی جے پی غا ارکان غی طرفوں تجویز غی تبدیلی شامل تھیں۔ جس نانہ حزب اختلاف نے اس مشق نانہ وقف بورڈ نانہ تباہ کرن غی کوشش کیو۔ پارلیمنٹ غی مشترکہ کمیٹی برائے وقف ترمیمی بل نے مسودہ قانون سازی غی رپوٹ نانہ ۵۱ تے ۱۱ اکثریتی ووٹاں تیں منظور کر لیو۔ حزب اختلاف نے رپوٹ ور اختلافی نوٹ جمع کرایو بی جے پی غا ارکان نے اصرار کیو ہے کہ لوک سبھا مانہ پچھلا سال اگست مانہ پیش کیو گیو یوہ بل وقف املاک غا انتظام مانہ جدیدیت شفافیت تے جوابدہی لان غی کوشش ہے۔ دوسری جانب حزب اختلاف نے اس نانہ مسلمان برادری غا آئینی حقوق ور حملو تے وقف بورڈ غا کم مانہ مداخلت قرار دتو۔

GANDHI DEATH ANNIVERSARY

قوم نے آج مہاتما گاندھی نانہہ اُن گي ۷۷ ويں برسي تے يوم شہدا غي تقريبن مانہہ خراج عقيدت پيش ڪيو۔ اس موقع ور آج سويرے نوي دلي مانہہ گا ندهي سمدھي راج گهاٺ ور سروا درما پراتهنا غو انعقاد ڪيو گيو۔ صدر جمہوريہ محترمہ درويدي مُرمو نے مہاتما گاندھی غي سمدھي ور پھلاں وُلي چادر چُرائي۔ نائيب سدر جگديپ دنڪڙ وزيراعظم نريندر مودي تے حزب اختلاف غا ليڈر رابل گاندھی نے وي اس موقع ور مہاتما گاندھی غي يادگار ور پُهل چاڙيا۔ مرڪزي وزراء راج ناتھ سنگھ منوبر لعل ڪھڙ ترے افواج غا سربراہاں تے دفاعي عملہ غا چيف وي موجود تھابر سال ۰۳ جنوري نانہہ قوم مہاتما گاندھی غي زندگي تے وراثت نانہہ خراج عقيدت پيش ڪرے۔ جھيڙے بھارت غي آزادي غي جدوجہد نانہہ دسے اس تہاڙا نانہہ يوم شہدا تے يا پھر شہيد ديوس غا طور ور وي منايو جے، جھيڙي آزادي واسطے دتي گئي قربانیاں غي عڪاسي ڪرے۔ اسے دوران جموں مانہہ ڈاڪٽر ايس پي ورما جھيرا ڪي گاندھی گلوبل فيملي گا صدر تے پدما سري اعزاز يافتہ ھيں اُنہاں نے اپني ٽيم غے نال مہاتما گاندھی غي برسي غا موقع ور ايڪ بڙي تقريب گو انعقاد ڪيو۔ اس تقريب گو مقصد لوڪاں نانہہ گاندھی جي غا عدم تشدد بھائي چارہ تے محبت غا پيغام تيں آگاه ڪيو گيو۔ اس موقع ور ليفٽيننٽ گورنر منوج سنہا مہمان خصوصي تہاچيف سيڪرٽري اٿل ڏلو ڏويزنل ڪمشنر رميش ڪمار تے ديگر عہديدار وي اُت موجود تھ۔ ايل جي منوج سنہا نے ميڏيا غا نمائيندہ نال گل ڪرتا واں ڪھيو۔ ايڪ پيغام امن ڪانفرنس وي منعقد ڪي گئي۔ اس ڪانفرنس مانہہ جموں ڪشمير غا باشعور شھرياں تے طلبہ نے حصو ليوجت مقررین نے گاندھی جي غا نظريات ور روشني ڪھلي۔ اُنہاں نے ڪھيو ڪہ اگر دنيا مانہہ امن بھائي چارو تے ترقي لاني ٻے تے ٻم نانہہ مہاتما گاندھی غا عدم تشدد تے سچائي جيسا اصولاں ور عمل ڪرنو وے غو۔

RAMBAN ORGANIC FARMING

نامياتي زراعت صحت تے ماحوليات تيں علاوہ تمام جاندار مخلوق وستے اچھي صحت برقرار رکھن غو ايڪ زريعو ٻے۔ رام بن ضلع گے اندر زراعت شعبہ مانہہ نامياتي زراعت غا ميدان مانہہ اہم ڪام ٻوريو ٻے۔ جت زراعت محڪمو ڪساناں نانہہ ڪھيتي بدھان خاطر لھر طرح غو تعاون پيش ڪر رھيو ٻے۔ ضلع غے اندر ڪساناں نانہہ ڪٽ قيمتاں ور بيچ اپني غي پائپ تے ديگر سھوليات دستياب ڪرائي جاري ٻيں۔ رام بن غا ايڪ مستفيد ڪسان نے ٻمارا نمائيندہ نال گل بات ڪرتا واں اس طرح ڪھيو۔

KISHTWAR FRAUD CASE

جموں ڪشمير پوليس غا سائيبر جرائم تحقيقاتي يونٽ نے پيساں غا بڪھ بڪھ فراڊ معاملن مانہہ دتي گئي رقم گا تناظر مانہہ ايڪ بري ڪاميابي حاصل ڪي ٻے۔ اس دوران پوليس نے ۲۱ لکھ ۴۲ هزار ۹ سو ۶۶ روپياں غي رقم واپس وصول ڪي ٻے۔ ياه رقم بڪھ بڪھ افراد غا فون ريچارڇ ٿيلي گرام گا لنڪ ياديگر فراڊ معاملات مانہہ ضائع ٻوئي تھي۔ جھيڙي جے پوليس نے وسول ڪي ٻے واضع رھ ڪہ ڪشتواڙ مانہہ سائيبر جرائم يونٽ گا قيام تيں بعد اس وقت تڪ ۲۷ لکھ ۱۵ هزار ۵۹ روپياں غي رقم واپس وصول ڪي گئي ٻے۔

CM MUMBAI

وزیر اعلیٰ عمر عبداللہ نے ممبئی مانہ مایس تقریب غے دوران کئی بڑی شخصیان غے نال ملاقات کی اس دوران کھیڈاں تیں علاوہ فیشن بُنر طبعی سہولیات تے جدید ٹیکنالوجی غا شعباں غا سانجا تال میل ور تبادلہ خیال کیو گیو۔ اس ملاقات غا سلسلہ مانہ گولف غا کھلاڑی وجے امدت راج تے اُن غی ٹیم نے جمونکشیر غے اندر گولف سیاحت تے کھیڈ ڈھانچہ غی ترقی ور اپنا تاثرات پیش کیا۔ انیتا ڈونگری تے اُن غی ٹیم نے کشمیری فیشن غا مارکہ نال تیار کیا گیا کپڑاں نانہ عالمی سطح ور متعارف کرنا غی گل کہی۔ اس تیں علاوہ صحت تے تندرستی غا ماہر میکی مہرا نے کشمیر غا قدرتی نظاراں تے صاف ستھرا ماحول نانہ سیاحت نال جوڑن بارے حکمت عملی ور تبادلہ خیال کیوس

HEALTH MINISTER

صحت طبی تعلیم سماجی فلاحیہبود تے تعلیم غی وزیر سکینہ اٹو نے اج ایک اعلیٰ سطحی میٹنگ غے دوران یو ٹی غیاندر ۰۰۱ دن غی کی بی مُکت مہیم غی عمل آوری غو جائیزو لیو۔ آکاشوانی جموں غا نامئندہ نے خطر دتی ہے کہ موصوفہ نے تمام ڈپٹی کمشنراں تے متعلقہ چیف میڈیکل آفیسراں نانہ ہدایت جاری کی ہے کہ وے گولڈ رن ضلعاں غے اندر جانچ نانہ مزید بہتر بناویں تاکہ ضلعاں وچوں ٹی بی نانہ ختم کیو جاسکے۔ اس ضمن مانہ ہر طرح موثر اقدام کرن غی ہدایت جاری کی گئی ہیں۔

ANTI LEPROSY DAY

ضلع دوڈھ غے اندر اج جزام غی بیماری غے خلاف تہاڑو منایو گیو۔ جس دوران ضلع غے اندر اس بیماری متعلق بیداری عام کی گئی۔ اس ضمن مانہ بڑو پروگرام اے۔ این۔ ایم۔ ٹی اسکول دوڈھ مانہ منعقد ہوئے۔ موجود افراد نے اس بیماری غا خاتمہ وستے عہد لیو تے اس بیماری نال جُری غیر معیاری سوچ نانہ وی ختم کرن غو عہد لیو گیو۔ اس مہیم گا حصہ غے طور ور ایک وین گڈی نانہ سی۔ ایم۔ او دفتر تیں ہری جھندی دس غے روانہ کیو گیو۔ جھیری جے ضلع غابکھ بکھ بلاکاں مانہ بیداری عام کرے غی۔ ۳۱ دن غی اس مہیم مانہ سرکار غی طرفوں جزام مُکت سماج خاطر اقدام کیا جئیں غا۔ اس سلسلہ مانہ مزید معلومات دیتا مانہ سی۔ ایم۔ او دوڈھ ڈاکٹر اوم کمار نے اس طرح کہیو۔

DC POONCH

ڈپٹی کمشنر پونچھ نے ایک میٹنگ غے دوران ضلع غے اندر پنچایت گھراں کی تعمیر تے سوچ بھارت ابھیان غی حصولا بیاں گو جائیزو لیو۔ اس دوران ضلع گا تمام بلاکاں مانہ دیہی ترقیاتی محکمہ گا کام کاج گو جائیزو لیو گیو۔ ڈی سی موصوف نے متعلقہ بی ڈی او نانہ ہدایت جاری کی کہ وے اے ای ای نال مل غے تمام پروجیکٹاں نانہ وقت رہتیں مکمل کریں۔

DC RAMBAN

ضلع ترقیاتی کمشنر رام بن بسیر الحق چوہدری غی سدارت مانہ ۶ ویں ضلع سطحی کاپریٹو ترقیاتی کمیٹی غی میٹنگ منعقد ہوئی جس دوران کاپریٹو غا بین العوامی سال ۲ ہزار ۵۲ غا کلینڈر نانہ منظوری دتی گئی۔

INDIA CHESS

شطرنج مانہ بھارت غا دوماراجو گوکیش نے ۲ ہزار ۵۲ گا ٹاٹا سٹیل چیس ٹورنامینٹ مانہ اپنی زبردست کارکردگی جاری رکھی۔ وک ان زی نیدرلینڈ مانہ کھیڈیا جارہیا اس ایونٹ گا ماسٹر کیٹاگری گا ۱۰ واں راؤنڈ مانہ انہاں نے ڈچ گرینڈ ماسٹر میکس وارڈمن نانہ شکست دتی تے اپنی برتری برقرار رکھی۔ سیاہ مہراں نال کھیلتا واں گوکیش نے پرک ڈیفنس غو انتعمال کیو تے وارڈمن غی ایک غلطی غو فائدو چایو تے ۷۲ ویں چال مانہ جیت اپنے نام کرلی۔ یوہ ٹورنامینٹ گوکیش غو پہلو مقابلو ہے۔ جب تیں وے کم عمری گا ولڈ شطرنج چیمپین بنیا ہیں۔